



北山小集卷第一



信安程 俱

古詩一

雜興十首

一日復一日百年如此耳那將千百計來日何窮已
逝者不可追來者安可知正恐聞道晚勿言功用遲
誤點成駁牛妙技有餘賞作意畫蛇足至今猶撫掌
君看人間事類此或往往浩歎可奈何悠然起遐思
中夜忽自省昔我今是非音聲故如昨齒長鬢滿頤
有人夢中言子念無乃癡今猶昔人耳昔人安在茲

濯濯簷下溜刁刁樹間鳴蟲號百鳥鬧小大各有聲
聲多不留礙響振元無形何殊百千炬光影各自明
胡葵向晨照日引一尺長松栽四五年擢幹未出墻
溥溥露芳晞借此顏色芳各留一寸心試待九月霜
春鳩一何拙社燕一何巧天陰逐其婦飲啄聊自了
銜泥亦綢繆託此華廈好物生固有分巧拙均一飽
糝糝新藁結補此茅屋漏問云力田人歲事苦耘耨
終年手足胼得此以自覆香杭一過眼糠覈餘滿竇
昔年過吳江戀戀不能去臨江塵思盡廊若掃翳霧
茲為三年留已厭波濤怒乃知常人情趣新方捨故

貞節堂表氏鈔本

軋軋田邊車卷卷不得休出之一寸痕益以幾尺流
扶提暴中野強作田家謳車聲真哭聲天遠將誰尤
少小思振竒頗恨身不長身長益多累信與憂俱生
回思二紀間浪使儵忽爭誰能補黥劓反我孩與嬰

秋思

涼颼動秋思中夜一長歎月回西南隅澹若霜華亂
清甘汲露井起坐待晨盥毋為事安眠急景不可玩
午陰日以薄墜葉黃且枯遠舍足榆柳鳴條眼中踈
芸芸悴芳榮髮白不再青所以姑射子騎龍出蒼冥
殘矣如老健雖壯寧復久新涼若消流已快執熱手

蕭然發朝暮羽扇一翳狗移奪定誰尤論功亦何有
飢蟬得清風向夕聲更急林間鳴絡緯長伴幽蛩泣
青燈對青編秋氣已復然誰謂月有恨正應人可憐

吳縣游靈巖

春物已如許放舟出橫塘扶梳漾淥漲迨此白日長
草木有佳色欣欣弄浮陽幽禽靜相呼乘和自翱翔
春風不着人浩浩吹我裳終年思煩促於此興未央
捨舟得平地涉彼萬仞崗明霞墮小西夜氣鬱已蒼
豈無從我遊夾道鬢鬢張風來得好語落落隨低昂
幽堂掃禪榻靜對燈燭光身輕浴新出境寂慮欲忘

貞齋堂表氏鈔本

虛窻忽含曉睡起日照梁羣山發春姿秀碧澹以芳
晨光晞薄露草樹滋幽香徜徉尋昔遊步屨循長廊
振衣一長嘯寸目了八荒上嗟百世基竟坐一笑七
見劉禹錫詩當時館娃地今作選佛場乃知諸夢境遁化豈
有常飄然詠歸歟此適頃未嘗重來會有興肯使墮
渺茫旁人挽予言借問身閑忙吾方有公事子去無
相妨

古風送錢定國顯道

登崖無坦蹊下瀨無平波尋常即千里奈此熾阻何
朝躋青陽硤暮入黃牛渦見之令人老况乃身所過

賴有萬頃波洗我心煩疴

中林有幽華乃擅一國香終年不自見道路草木長
應知當門病要謝移根傷終恐荷鋤人朔風襲流芳
紉之瓊瑤佩致彼君子堂永捐盈腰艾危服不可忘

危恐作戶楚詞云
戶服文以盈腰

送傅國華墨卿赴保塞簿

閉門坐咄咄出門長太息問之何為尔歲月亦可惜
褰衣臨大河跬步燕粵隔回車撫長劍玉食慘無色
男兒重性命慷慨輕遠適非關飢所驅豈為五鼎食
國華淵東來觸熱向河北行行四千里易去若持被

貞節堂袁氏鈔本

直怪無懷土念語軟心似石要令飽辛勤不使鳩安

逸顧余一畸士束髮守編策夜闌相對語耿耿氣橫

臆保州幾窮塞百里望疆場蕭蕭易水寒壯士不復

得

易水在安肅軍之
北安肅保州隣也

君家義陽侯子介尺八建雄績時平廓

信度胡頭安足赤深藏百僚底聊作青衫客吾徒會

時須要子繼休弄玄傳

過方子通惟深

白日苦易晚我懷多隱憂憂思劇春浸浩漫不可收
出門欲有適舉步且復休塵中等膠擾念此將焉投
駕言城東北閭閻即巖丘是中有幽人厲志凌霜秋

寸田荆棘盡不假斤斧修門無雜車馬一飯乃見留
虛堂芝朮香下有百尺虬蒼陰匝平地老幹森下樛
堂中羅酒漿耿耿燈燭幽四天黦無光萬賴肅以擘
炯然坐相向更僕語益適我身動乖迂夢寐喬松遊
常恐在泥滓永為天所囚會當從之子濯足萬里流
夜聞壁間蛩鳴有感二首

露草亦已冷寒蛩獨無依入我壁間鳴出處定有時
誰言秋氣高感此動物微我欲以意續一歎三嗟咨
耿耿夜將旦殘星月邊稀
寒日苦易短燕鴻暮何之念爾捨沙漠為此萬里飛

貞齋袁氏鈔本

銜蘆不厭高繫書端寄誰寒聲夜相呼客子涕已垂
聲斷腸亦斷歸期各何時

夜半聞橫笛

秋風夜攪浮雲起幽夢歸來度寒水一聲橫玉靜穿
雲響振疎林葉空委曲終時引斷腸聲中有千秋萬
古情金谷草生無限思樓邊斜月為誰明

讀神仙傳六首

騎龍上天入太清繼世而往在我盈握鈴而呼大司
命主非使者走折脛乃知神仙非智巧積功累行如
邠鑄專懷邪辟祈長年誰言淮南鷄犬飛上天

安期生赤玉爲遺之東海濱千年求我蓬萊下祖龍
豈是千年人安期一量烏葱嶺一隻履茫茫九州在
泥滓至人去之如脫屣吁嗟祖龍蕭翁寧悟此
鯉魚腹中有隱符白魚腹中有素書鞭靈走石纜一
戲騎麟王天亦徒耳誰能解衣泳水中使人呼指赤
鯁公

莫作龍眉山頭客三百年不得作直故應未辦作李
公投身百斛旨酒中鼓琴先生有怒色有愛終當爲
物役江都王勿預人事保蟲膏血使誰從汝索
崑崙下有三頃田赤烏玉兔蹲兩邊下有烏靈木灌

貞節堂袁氏鈔本

以華池泉耕之不用一寸鐵使公家富不可說如坻
如京會有盡萬物皆吾橐中物樽泥作金何屑屑
胥門着蔡經市門着梅福我爲松江吏與汝相望亦
相逐高冠長劍衛士從有口底事使蠟封此身況不
爲陳尉就公蠟封三尺喙不能擲米作珠

古釣臺歌送阮閱休美成公檄浙東

餓夫一往西山空攫金祛篋清晝同東方作矣事何
若玉柙未解裙襦中排肩炙手日車千暮夜掉臂目
送西飛鴻謂言冰壺不受汙正似馬耳經東風我思
一人去我千載乃在湖水之東富春瀨山嶽峴兮矗

雲漢溪流喧飀白石亂瀨聲盡處萬尋碧蟠蛇蜿兮
守斯人之故宅旁人指山名釣臺下視九土氣黃埃
投竿百牒何足道直拂三珠挂瑤草彼一人兮皎獨
立清風為神冰為骨佩瓊蕤兮結明月紉薜蘭以薦
枕兮服龍淵之無缺羊裘蒙茸溪水旁大勝被袞升
明堂劉秀發兵誅不道氣壓昆陽纜一掃登床撫腹
坐太息始信赤符非至寶君房素癡定不癡致位鼎
足何其危阿諛順旨晉領絕安知直言身見殺我昔
客新定挂帆七里灘整冠拜祠下巖巖千層仵臺巔
神遊八海極髣髴聆其語但覺萬古松風寒滔滔舉

貞節堂表氏鈔本

世無不可正自喪我非母我嚴灘水清小翠微貪廉
懦立歸來兮奎蹄絮縫不可以久棲

即事戲作四首

老鳥作巢一何拙柳條垂絲今禿缺銜枝復墮苦饒
舌編條作巢枝錯節老鳥柳好汝勿傷藏鳥待得春
葉長安巢令汝着哺母密葉更能庇風雨

齊前數柳樹為
老鳥取新條作

巢幾
盡

黃雀黃雀飛相逐相呼門前啄遺粟啄粟飽即休有
人挾筭掃泥待作粥

數日門外輸苗遺粒狼戾黃雀喧
集貧家小兒爭掃去謂之掃泥未

鶴唳固有似云何啄泥取蚯蚓食泉曾不惡鱗

組蜿蜒尤不恐何如忍飢向芝田腥涎溷爾不得飛

上天

畜一鶴頗食腥穢可厭

鳥啼未必惡麾去恨不早鵲噪兩耳聾主人亦言好

安知一喙鳴喜戚自顛倒朝來群鵲噪不已童稚無

知助吾喜羣鵲自與鳥爭巢慎勿喜歡真誤爾

齋前群鵲時噪

謝人惠硯

帝鴻墨海世不見近愛端溪青紫硯溪流見底寒且

清光凝淺紺淵之精斧柯千古遺仙局雲暗半山含

紫玉割雲鏡玉巧如神龍尾銅臺可奴僕君來自南

數千里不載珠璣如意苾芊芊溪草裹石硯文字之

貞齋堂袁氏鈔本

祥直送喜明窓大几墨花香春爐山吐蘭干穗雲虛

中含默相對那復草玄驚世人

劉禹錫有端硯溪石人間重贈我應知正草玄之句

穹窿葬事回邑有感

生別萬里餘會面終有期死別不轉瞬一朝千古非

白日光在天玄陰閻泉靡盈盈閨中秀土化成枯彫

冠筭共甘苦謂見素髮垂那知死生變不待桑蔭移

室有病時茵篋有嫁時衣了了眼中事閑極靜容儀

垂楊手曾折為我當春稀迅流無迴波落英無還枝

空房闕無迹新墳草離離傷心北門道同來不同歸

遊華藏此君亭

山空木葉脫霜露日已寒蕭蕭歲寒子勁氣不可干
下庇秋草根上棲衆鳥安烟梢雲掠漠過者仰首觀
云何九衢鐔有此五畝寬况當祗汜舍永謝翦伐嘆
高人名此君千載莫敢刊豈同渭川封肯汙秦氏官
鷓鴣未來食螟螣或見殘今年江淮飛蝗至食竹葉一空終然保常操特
立良獨難我疑卞忠貞鐵石瓊肺肝遺骸寄此地藏
碧留餘丹精誠入毛髮化此千琅玕見之發三嘆臨
風肅衣冠

獨遊保寧鳳凰臺

飢鴉嚇腐鼠鳴鳥久不聞一登鳳凰臺目送蒼梧雲

貞節堂表氏鈔本

山川麗晚日氤氳發餘熏覽此萬里輝振我衣上塵
前瞻翠回環極望天無垠低昂玄盤踞佳氣或未堙
小坳指樓觀青骨今尚神馳煙謝逋客三徑久已榛
長松眇如薺下有高世人斯人不可作此道日以新
回睇白鷺洲長江瀉沅沅遙岑出澹碧不辨楚與秦
淮西在江左時存秦地也我行適淮西出處難重陳豈無羈旅歎乃有
山水因茲遊頗幽獨作伴影與身寧辭足力盡聊使
眉頭伸憑虛默自計逝將祈孔賓寄聲華陽老異日
期相親

過劉姓園居 甲申

七、集一

九

負郭三頃稻並田五畝園人生如此足安用華其軒
親戚居南陌交遊在東村有酒輒共醉傾輸見情言
三徑雜桃李九畦蔣蘭蓀黃甘百頭奴碧梧萬支孫
山供景無盡石映溪不渾桑麻中饋任布刈隣翁論
下以活妻孥上以奉清溫時從赤松子亦訪吳市門
嗟我抱此志十年若朝昏家山眇天末松菊豈復存
茲園臨官道坐笑車馬奔前山復場圃疏築隨坳墩
我來適春穠亂眼紅青紛恍然動鄉思夢寄東飛雲

宿海會寺

萬杉堆青沒山骨雲埋七峯時出沒飛泉拂石瀉哀

貞節堂袁氏鈔本

湍下有萬古蛟龍窟藏頭睡熟呼不起地坼三年蝗
蝻出千山脈理漬清甘一罇涓涓流石液同遊况與
惠詢輩許主簿遠首座納履振衣何勃率大門當前新築道
跨水曲欄歌突兀春鳴軋軋趁朝炊水剛懸流機械
發楮筇對此自三嘆抱甕老人長揖揖却坐幽堂忽
浩歌回首已失西山日

山谷寺

初梁白鹿先生請以為觀志公飛錫先之遂為僧
寺今有飛錫泉今靈仙白鹿所基也常苦無水而

山谷獨有餘寺有太宗真宗
仁宗三聖御書歲度僧七人

竺法暨華土出傳骨與書金僊屹不動坐使四海趨
山川第一勝盡為佛者居葱葱瀟之谷蛟鸞玄盤紆

一為飛錫先方士回雲車顧眄榛楚地輦簷湧層虛
英靈護泉脈飲此白足徒當年蓋國衆莫挽碧眼胡
傳衣到三葉此地滋焦枯異氣生傑閣宸奎動天樞
神龍盡傾向寶此明月珠三聖陟帝所雲章久寧渝
餘霑及婆塞歲復六七夫堂中老沙門古態幾皇胥
定知黃龍窟不着點額魚長老嗣黃龍南門開兩山陘萃然七
浮圖沙步對石麓溪流清且徐危巖隱深樾間見碧
與朱寺前隔溪山上有亭林間朝來雨脚斷雲氣尚卷舒懸知磴道
滑一水不復逾州家有造請上馬及未晡

石牛洞

洞上有左慈丹井洞有荆公題

貞白堂表氏鈔本

陽城小頭遽如許金華山中呼不去癡牛 脚墮天
河共向空山飽煙霧阿瞞安知眇道士丹井至今存
故處瑋淙萬古穿石斷峽束奔流關山鳩兔我上鬱
千仞勢洞下波陀無塊土文公古驚白舊觀拂拭蒼
莓增媚嫵亦欲磨崖放楚狂掃迹政恐山神怒

望九華

甲申

船發大雲倉五十里許顧江南衆山中有數峯奇爽
特異一見即知其為九華問篙人果然因知褚季野
於廣坐中識蓋萬年正應如此作詩一首
卷簾坐對江南山掠眼送青來疊疊雲泉肺腸久厭

飲桂頰悠然聊復尔奇峯遠澹忽四五爽秀駸駸逼
窻几平生九華盛名下一見定知真是矣非闕目力
覩天奧正覺群山如聚米好山如人有高韻不獨江
州孟公子直緣佳處無任逕落莫道邊同苦李大是
忘年耐久交藜杖青鞵結終始

谿行歎

湔湔石間流落落灘下石相因成悍嶮日夜更拒激
化為百雷車轉入千丈碧推舟上磊砢盡日不尋尺
我行三伏中正自澁自棘子時久不雨陽炎去劇炊
炙谿流僅如綫但見沙渚赤逶迤呼地港百步涉重

貞節堂袁氏鈔本

磧迢迢神亭瀨莽盪無遺力此身誠不貲此日良足
惜胡為弃分陰盡室寄巖阨長謠飛仙章慨三歎息

山中對酒 乙酉

秋容澹青山爽秀雨皆足清溪照千仞空翠疑可掬
何年顧兔窟桂子墮山腹老香散深林屑王綴黃粟
朝來客衣動一葉下空谷客心如琴絲日月共煩促
曾中尚磊塊陶寫賴新淶要當酒千鍾澆我愁萬斛
顧有獨醒人脩然倚枯木

二月二日富陽城東

閉門三日坐聽雨不知春光已知許桃花弄晴成艷

笑穠李怯風猶半吐當年赤白桃李花恨無佳人絕
代歌無事對花豈易得有酒不飲將如何
一春何許最佳處柳色初勻思殺人風揉雨練不可
觸明綠映空顏色新舊雨來時花未齊今雨一過花
團枝明朝試踏城西路已復可憐枝上稀

桐廬道中書事

一星熠熠初尚微俄頃滿天如灼龜溪流黯黯四山
黑怒芒當空惟太白舉頭仰書天漫漫飛星縱橫絕
河漢新月未高不可見終夜起坐發三歎

題張太丞明園亭

貞節堂袁氏鈔本

京華真陸海聲利之所闕向來山林士往往去不還
濡足未肯已沒身何足歎張侯翰林客金龜著朝班
生平用一指談笑起廢殘紛紛多廬子名譽莫敢攀
五十未云老幡然歸故山歸來謝奔走治此五畝園
養樹如養生斤斧不浪干醫花如醫疾察標見其源
花譜有
醫花法上有十圍木蔚然午陰寬下有百步荷紅鮮映
清瀾爽氣日多佳西山桂簷端安能九衢內解肉磨
鷄鞍我今坐竒窮進退坎井間違已恨紆轡長飢思
抱關當時彭澤令四壁唯瓢箪折腰未為辱徑去曾
無難而我亦何者栖栖猶強顏

送崔閑歸廬山四首

白露下修竹當窻作秋聲冷然發商絃客子中夜驚
振衣一長嘯下瀨如飛星昔者去草堂新松蔭軒榮
別來今十年霜華着青青想見溜雨姿森蒼舞蛟鯨
歸歟當及健羸栖亦何營

琅琊山中水韻入三尺桐琅然醉翁操發自玉澗翁
流泉不成音寫寄十二宮醉翁不可見妙語聊形容
嘗聞三峽泉上與天漢通請君記餘響相彼玉珮風
此聲儻可繼那復有此公

論世得師友陶公乃其人清遊入夢寐廬山真夙因

貞節堂袁氏鈔本

迓來二十年浪染衣上塵陶公去已久歛如空中雲
廬山如高士可望不可親坐想虎溪路聞鍾動微顰
永懷爐峯頂飛煙發朝暉羨子歸故隱茲焉畢其身
吾意久規往當從君問津

吾友胡少汲結廬皖公城瀟山有小隱背負紫翠屏
前臨一溪水可以濯我纓欲分青山半留我谷口耕
信美非吾鄉翩然遂宵征聞君草堂處亦復占地靈
虛簷倚蒼崖下有玉澗鳴樂哉不可到因君懷友生
黃魯直有食甘念慈母衣綻懷孟光之句

用為韻作五首以寄旅懷

據梧不必席裘斲不必爲飢來太倉陳飢勝列鼎食
願言伏嘽巖保此稼穡甘正使能已百寧當籠暮三
凋林如白鬢色變不可染招提據木末清凜絕浮念
俯窺群啄雞仰見烏哺兒斂手不敢嚇無爲傷彼慈
吳山視諸山聳秀若諸母上有一段雲使我屢回首
澌水向浙水涼颼生遠滄中有一雙鯉爲傳我所思
高堂有華髮游子行當歸歸歟不可緩霜露沾人衣
琴絲不可經百結不可綻吾今成放浪豈復事編簡
羈游無好懷坐看西日頽壯心正不已亦復何爲哉
伯鸞未小棲俯首愧賢孟一朝相告語矯首謝三聘

貞節堂袁氏鈔本

謝公卧東山故有經綸興夫人勸之仕擁鼻作僮詠
終然爲時湏起攬晉國柄古人重行藏二士幸有光
吾志屬有在姑安此糟糠

有美一人 乙酉

有美一人在昭君藕絲爲衣蘭作裙君初顧言淑且
真直欲載以黃金輪人心變化如浮雲明粧覺暗笑
作顰何當還之承華首令君寔寢凝清芬

有美一人在煙汀朱顏朝滌玉壺冰素手暮理朱絲
繩語言窈窕弄鳳鳴坐持紈扇睇秋螢何當還之翡翠
屏爲君把鏡整衿纓

有美一人在南浦月明採珠光照渚瑤衣被體金索
縷獨抱幽寒沫煙雨何當置之白玉宇為君歌陽春
激楚有美一人在南浦以下四首亡時鄒志宇
在昭州曾子開在汀州陳瑩中在合浦

辨師鼓琴

上人芒屨麻為衣常修如幻三摩提但依三業作供
養坐見八德金沙地是中寶網間行樹微妙音出難
思惟師從定觀去起奮迅寫之三尺桐與絲枯楓致
然若空谷人倚繩床支槁木枯桐槁木靜相向中有
世間無盡曲曲中有曲非宮商及門但覺聲琅琅罷
琴一笑各揮手庭樹微風清夜涼

貞節堂袁氏鈔本

山中秋夜丙戌

夜氣挾秋至颼然驚戶庭空山峇清漏客夢忽以醒
林梢月未墮流光委踈樨冷露濕山桂寒蕤動幽馨
整衣坐蒲團破屋呈稀星我身本無涯寒暑飽所經
以彼泡電境勞此草木形吾猶昔人耳不與寒暑并
遽然返初枕人境已雨冥

賦長興錢圃翁詩

學書要不成學圃苦不早向來執戟郎何似於陵老
我無拏雲意所念在一飽閉門種蕪菁抱壘澤枯槁
荒畦財一席嚙嚼到春草頗聞長城翁八十顏色好

城西有寬閑終歲常却掃安得五畝園如翁一生了
秀州沈珪漆煙最善持葉翰林詩來求余
詩為作一首

白頭柱史寥陽居浮提龍檢封金壺千金寶液出方
外灑作三元雲篆書至今道德五千字一一破閣如
明珠安知此老天地祖聊遣二化為詼娛華亭老工
入吳市戲以淳漆滋松腴壁中科斗何足道勒崇正
欲遵河圖故令墨客從毛穎玉堂伴直鄰清都如椽
之筆吐光燄賡歌紀瑞無時無却分圭璧到蓬戶寂
漠著詩憐腐儒

漢光武覽河圖議封禪
初欲以漆書玉牒云

貞節堂袁氏鈔本

吳下去冬不寒春不雨人以為病城中火
災相仍自十二月至今凡八九發雍熙佛
寺災勢尤甚閭里訛言相驚往往徒賃泉
載家具日為避火計二月乙巳郡守以承
天佛寺慧感神像供府第為佛事禳禱是
日雨明日雪丁未又大雪農事有初火怪
庶或熄人心稍安作詩紀其事

飛蟲滿空冬不冰迎春草木皆天榮
輓轡續緘盈桶燥緋衣老人白晝行
城中一日二三發徼巡司武徒
縱橫海藏湧地出耀眼金碧明
青冥中宵瀕洞化城

半天赤一彈指頃隨煙升重雲仙人具悲智脫屣珍
麗依無生千年吳地赴緣感疾甚景響從形聲入塵
應供始敷坐一雨便覺鼓塵清黎明密雪灑四澤灑
氣交徹何晶瑩句芒蒙潤亦助喜眩轉歌舞隨飛英
畢方褫魄走荒外雖有光怪何由呈衡茅倦容正高
卧浩歌黃竹飢腸鳴妻孥號寒不敢恨且尉南畝滋
春耕

和葉翰林阻雨楓橋

白雨下車軸江湖與天鄰渾流已橫潰川陸無行人
蕩蕩淮楚舟篙檣動蕭晨淹留寒山寺河灣俯清淪

貞節堂表氏鈔本

虛堂夢春草落紙佳句新長嘯寄遐想深談破無因
外道無
因論泊無軒裳累但覺山林親遲遲去魯意欲駕還
逡巡陰霖固無恨所念商農迤乃知君子懷絕出世
俗塵

天寧潛老以山中春莫三詩投鴻慶尚書
末章見及次韻荅之

大空無故新春物自來去風幡有時轉霜鐸深夜語
芸芸無定在榮悴更彼此誰於百草頭了不挂絲縷
當年白尚書居士衆稱首魔軍坐調伏消散如拉朽
何如丹陽侯法鼓開聽牖方當與天遊豈復為物囿

尚書比閱藏
經深入佛海

踉蹌鶴阿師遠眼寄經籍苦吟思鳥可達觀泯儒墨

高軒時一過平聲解帶有餘適頽然後車人大執款五

石孟郊贈無本云有時踉蹌行人驚
鶴阿師可惜李杜死不見此狂癡

北山小集卷第一

貞節堂表氏鈔本

北山小集卷第二

信安程 俱

古詩二

泊義興長橋

俠骨久已朽南山長上於菟當時老蛟窟遺種今有
無我來適秋成場圃收刈初年豐似足樂薄酒儻可
酤田家復何事父老仍愁吁滔滔五濁海所向誰當
娛長年得強健且食清溪魚

遊善權寺

放舟荆溪上溪水清且徐雲中離墨山慘淡初有無

捨舟並松麓下直浮屠居竭來東軒上爽氣已有餘
飛來定何年無乃與此俱奔流激庭下比竹梁寒渠
山深絕凡境物物清以矐蕭森倚巖秀夭矯懸崖枯
幽禽發寒唳響振高林踈我行亦良苦却步計已迂
解衣卧清晝尉我十里劬

自衢來姑蘇省女兄竟欲歸却行二百
十里訪江仲嘉於宜興故有却步之句

善權洞

嘗聞包山境中有林屋天旁通号地脉嶽瀆潜鈞連
兹山豈其類瀕洞皆中穿二巖岌山足瑋淙激奔泉
牛羊走大石吐受無窮年金堂下石液雪積如烹煎
從來未益稱浪播俚俗傳一洞啓山腹穹窿亦聯綿

貞節堂袁氏鈔本

誰題九斗字大篆仍深鑄中藏文五石屹若龍騰淵
回頭問主人謂仲嘉我輩定不凡云何逐官牒牒常得我
所眈向來共幽討九鑠藏芝巖而我自林屋翩然游
皖瀟洪崖儻可俯不在南山南

白馬洞

披榛不知疲詰屈巖下路俄然見深窾僞步入巖戶
一泓窈而澄百步清以鶩人言紫髯仙白馬從此度
磷磷盡赤石丹竈遺滓汙收藏已兒啼効速勝麻護
因知世盲聾荒誕雜疑誤虛空如許大長嘯可平步
胡為萬山底躑躅向煙霧

神魚泓是日與諸公流杯中如西丘故事
柳州同奇士戲好亦幽絕遠懷西丘飲千古清興發
徜徉恨無所盤俎對羈紲聊為五里行邂逅一壺挈
神魚伏山根滄港初一穴侵侵決寒溜沙石助清越
披莎得盤石離坐若天設實觴競乘流眩轉亦飄瞥
爭持或三醕遇坎時一蹶歡來朱碧亂笑罷巾帽脫
相望西丘遊詎易議優劣

九斗壇

善權山中

萬族同一垢齊州集微塵高靈不來下默此濁惡薰
從來築壇處往往清無鄰腥羶遠人迹庶或來仙真

貞節堂袁氏鈔本

茲壇峙幽絕尚有古制存龜圖布八隅彷彿數兌坤
黃冠道中寒寓址今祇園遊人躡其上未覺大象尊
空令恨眇史不使群聾奔蓋公雖未見豈乏樂與坦

張公洞

昔年京江夜飛夢投雲山仍追謫仙老嘯詠層崖巔
左盼俯無地蒼巖生紫煙當時賦幽賞妙境竟莫宣
今我來自東扶橈漾荆川飽聞張公洞怪絕駭所傳
聊從二三子一結青山緣北靈敞奇觀下矚壺中天
恍然驚昨夢了了墮我前仄徑縹危棧重扃護靈淵
奇僵玄坂倚側洞時穿鈎穿初疑天台聚納此一室間

夸娥運神化不隘亦不顛又疑清都客翩然下雲軒
幢旒儼行立導從森蟬聯丹梯香霧濕玉室珠璣懸
撐虛一柱屹戴重三能騫鈇竈久已冷青驛那可鞭
香壇望八景東晨開五便坡陀忽度險宛轉漫無邊
或深如列厦或迤纒容肩高躋乍捫頂僂步欲墊泉
不知行遠近一步目九遷噫嘻此天設端在太古先
恨無少陵手寫之黃絹篇聊書夢中夢投筆一粲然

公羊案
然皆笑

借居毗陵東門四首

客去不能寐脩然清夜闌樓居俯長川仰視天宇寬

貞節堂袁氏鈔本

長川濯雲漢錯落星宿秀寒青燈故可親且還對塵
編其人骨已朽千載與我言掩卷三太息虛簷清露溥
急景不可挽吾生豈無涯吳中十年舊鬢鬢亦已華
嗟我壯且老方知失林鷄欲歸卷無廬欲駕塗無車
而子亦羈滯心事如蓬麻人生巧無拙命耳將如何

吳中十年舊
謂傳冲益

猗猗隔河樹幕幕綠堦草時當長養候顏色豈不好
萌芒忽柯葉茂大旋枯槁滔滔不自知但見壯而老
人生亦草木萬化迭侵擾朱顏日夜變素抱豈自保
借居臨官道堂陰俯長河前車接來軫後棹紛相摩

我獨居其間超然嘯而歌頗從故人語安用高軒過
旁有五畝園不知主誰何時能曳屐往豈異吾山阿

和柳子厚讀書 己丑

事賤及多暇居身適無虞人間不爭地聊此謝畏途
豈無營營子熟視付一吁塵中亦何有坐聽日月逾
展卷閱千古置書忘萬殊不妨權子母亦復商有無
平生僅識字乃與憂患俱持此遊學海層臺漸積蘇
年來但遮眼頗覺心恬愉囊錢足自飽肯怖鴟朱儒
起卧一榻間兀如檠株涼風北窻下不減愚溪愚拘
誰能三萬卷懸頭苦劬劬小極正當寐睡魔不須驅

貞節堂表氏鈔本

虞君明暮和劉氏園居詩再用前韻作因

以叙出處之意

靖節真有道高懷俯黃園翹足北窻下超然詣羲軒
早悟俗中惡歸老三家村清詩有遺味誰知本無言
回觀一世間不辨艾與蓀青黃飾斷木冠裳累王孫
當時甚寒餓聲利終莫渾公今二千石此事安足論
入當陪雋賢莪冠宣與溫出當仗漢節登車金馬門
豈為尚平子但畢兒女昏我今乃窮士壯圖無一存
摧頽風埃下坐見歲月奔歸歟乃其分卜勝如浮瓊
他年有餘食會見脫世紛過我五湖上一區同子雲

陪君明華藏燕集復用前韻

華藏萬竿玉何殊辟疆園城中最佳處時復過高軒
危亭望北郭依依遠人村露葉有佳色桃蹊亦無言
纍纍古籐陰附石如菖菴下有小衡霍噴玩列兒孫
方池是魚樂水作千里渾座滿北海客文追謫仙論
襟期惝散鄭目擊忘言溫斯須接棊戰堅壁如轅門
不有覆舟慮寧為注金昏越醫死更起齊霸王為存
日入萬籟息翳禽趣林奔林間屹層臺此豈蕭公塚
徜徉步松月香霧時披紛胡床興不淺點綴無微雲

初秋偶題

貞節堂袁氏鈔本

涼風入高梧冷翠滴幽露新俄欲西流綽約一回顧
中霄汲冰華爽氣拂庭戶蕭然視天宇目送流螢度
微雲澹河漢亦容與宜搜靜中境安得此佳句

和傅冲益冬夜獨酌用柳子厚飲酒詩韻

忽忽歲晚晚幽懷寄芳樽及茲寒夜永寫我憂思煩
放杯獨長謠翕如負晴暄那知曲身直但覺冰腸溫
遙思石亭林玉雪今正繁安能松窻下撚鬚哦五言
須君尋昔遊攀梅擷蘭蓀勝事難重得悠然空默存

頃與冲益遊義興諸小園甚
適石亭有梅數百株勝絕

秋日市區作

火壯亦已老朝昏發微涼高梧逼秋枕曉夢不得長
區中了無營起卧在一床時時忽忘我徑至無何鄉
是身亦何為萬化詎未央竭來蘭陵市三見草木黃
頗欲索其身窮年就庚桑臨淵故有羨說食誰能嘗
尚有平生懷噉嚼類癡狂佳時坐自失恐復墮渺茫
有生浪營營有志終遑遑胡為自前却坐待兩鬢霜

客舍寫懷呈王八丈侍御五首 辛卯

君門如雲漢可望不可攀地上挾冰子肉身無羽翰
豈無國士知勢有不得言空懷激揚意歸坐自長歎
此意重千金寧論官九遷所媿誤賞音賞音從古難

貞節堂表氏鈔本

長安窮居客一日一歲長况乃夏方半迢迢良未央
頽虬駕瓊車萬里飛炎光冰崖不可見仰視峯雲翔
蝸蟠兩壁間跂想深夜涼一喝非死所念之熱中腸

其誰卧清晝雲

祀御名羅千章

束髮營五斗飄然落江湖當時尚癡絕秣驥初問途
去國十五年俯仰同朝晡心隨澤中雜官作竿上魚
及茲財一遷名實初未殊且當百里地磨研城旦書
一室不可掃陰晴兩非宜朝繩汗簡編暮蚊入裳衣
爾來三日雨門有一尺泥所喜庭戶間新涼洗餘曦
貧賤無造請閉關良不癡

白雲浮東南下有姑胥臺去家桃始花歛見溫風來
久無萬金書一使霸懷開倚門有華髮扶床有提孩
雖無凍餒憂百慮不可排何當放雙漿黃流入清淮
秋將獲水行田中不復留因窾塍通溝引
水過堂下小兒以茫葦作車其上晝夜決決
不休戲書 壬辰

貞節堂表氏鈔本

轉無時休推行作止莫可諏孰居無事供其求迫而
後動真無尤眩轉自彼非吾謀屈伸臂頃一萬周我
無欣厭何名憂孰能觀身與此侔衆假合集成堅柔
沈輕燥溼交相仇逝川洄泐更春秋滔滔南北東西
遊死生壯老休王囚形骸流運我則吾物境萬變何
其幽

同江彥文緯江仲嘉乘度菱湖嶺游三衢
諸山道靈真出入巖谷勝絕可駭雜然有
卜筮之意然此地寥閭人所不爭小隱不
難致顧吾曹出處何如耳二公皆修真養

氣精進不衰予晚聞此道又為憂病頓挫
志倦體疲每思益友儻得靜舍安餘年資
二子以待老豈不樂哉作詩叙游且志本
末巖谷之勝實自仲嘉發之予嘗聞而賦
詩所謂武陵迷漢魏妙喜新山川者也甲
我昔未省事張張如病狂仰規結繩初下歷漢魏唐
謂此紙中語卷舒在行藏功名戾契取有志要必償
跣足方不暇何由放洪荒行年冠而字世故頗已嘗
試窺竺乾書出入應帝王丘軻有妙蘊合處如宮商
形骸乃塵沫笑唾却老方蹭蹬過二紀身如浮海航

貞節堂袁氏鈔本

風濤浩無際寄命蛟鼉鄉外為萬緒嬰內以百慮戕
摧頽不一偶病骨無由強初心益乖迺始覺計未良
擬追赤松遊補我黥剗惟時子真子青衫尉南昌
亦有虬鬚翁種桃擷春芳不求飛霞珮肯受紫錦囊
至言無旁午照用寂以忘爾來又十年前却方彷徨
向殊一日暴正坐多岐亡虬鬚彼幽人物化不可量
子真日千里似欲窮扶桑安知阡陌間共此暇日長
廣文今稚川腹有雲笈章黃金儻可成綠髮不復蒼
養生百千門一一登奧堂相從崑壑間笑傲無羲皇
衡山甚奇峭不數三石梁巖崿盡中空玉室懸珠房

九日瀆未落洪波怒懷襄洄流蕩沙壤靈御名忽以
彰至今衆玉聚山骨堆琳琅我空怒猊踞出谷驚龍
翔委蛇青童輟散亂初平羊懸崖勢欲墜植筍森分
行晨光乍映發紫翠雲霞張攀蘿趙公巖九土何茫
茫豈無太平酒洗此骨穀腸側身棲真洞跼蹐仍踰
踰深行得穹窿涉降殊未央舉頭見空圓欸若來飛
光翠蛩衆山底恍蕩疑無旁故應却塵污九壘蒼屏
障斯遊固足樂質象不可詳要之大洞中太山一毫
芒回鞭靈真路林礪森相望窮幽得巖谷高青對崢
嶸蛇行九鑠中宛轉流泉聲琤琮瀉哀湍力與亂石

貞節堂袁氏鈔本

爭懸瀑或尋丈勢洶洪河傾泠泠赴深竇或如環珮
鳴或於蒼蘚中琴筑時丁丁或穿嵌崕下洄湫儲深
清或如鐵堂硤絕壁飛猿鳴龍蛇走根幹薜蔓懸珠
瓔或如鈎鉅西竹樹春冬榮低昂牛馬飲偃蹇熊羆
登或如素家渴長陰晝冥冥草間蘭茝香石上梗楠
青或如瀟谷中坡陀負崩騰或如三峽底仰見匹練
明漣綿道林麓左右臨洮城行行川谷開藹藹臯原
平冥搜已復失巧語未易名不意天壤間雲關啟金
庭向來保幽邃不挂世俗稱輪蹄固無迹樵牧或未
經吾屬豈神悟權輿標地英昏嫁會當畢衡茅茲可

營二子早聞道勤行得貞寧要收十年功不止九府
卿二樹結佳實五腴練飛瓊處靜已超靜留形要遺
形我懶百不堪寸田方力耕會從浮丘伯及此洪崖
生乘風御倒景出入撫八紘下窺冰炭士擾擾盤中
蠅三人笑相視事願良難并此志不可負無為滯塵
纓清泉聞此言白石相與盟詩紀勝遊亦用銘吾膺
戲呈虞君明察院暮癸巳

三仕三已心如空一壑一丘吾固窮門施雀羅正可
樂車如雞栖良不惡曾中九華初欲成綠衣玉斧雙
鬢青世間何樂復過此不失清都左右卿

貞節堂表氏鈔本

長安陸海知洪爐五金出入無精痛平生推鈍堅重
質一往融液隨流珠請觀五石大瓠種正以濩落浮
江湖環中何者為榮辱一鍾何如三釜粟坦途緩步
東方明大勝跨虎臨深谷

君明見和再作

十年接浙家屢空門無八關延五窮誰言浩浩有餘
樂世故撩人工作惡君不見韓非白首終無成至今
說難書汗青要之賦命默有制巧拙安知司馬卿
羨公腹有金丹爐凡泥六一何其痛棗梨扶疏荆棘
盡夜半北海收明珠尔來問舍浙江曲正以畫筍觀

西湖我生抗讎今耐辱貧病欲貸監河粟他年公伴
赤松遊遺我刀圭固玄谷

出北關再以前韻作寄

從公十日羈愁空超然似欲忘途窮神遊八極共天
樂浮白不應嫌客惡元次山以不飲者為惡客中年偃蹇百無成唯有
見賢雙眼青狂歌時有眇道士擬賦懼仙非長卿
平生清夢遊香爐雲岳嶺確磬山擁不應近捨武林
秀僧寶况多滄海珠勝遊屢約不成往白雨連日翻
平湖公如二疏方不辱我亦三吳甘脫粟會當乘雪
叨公門正恐鳴驕還入谷

貞節堂袁氏鈔本

雨霽行西湖二首

晨輝麗春山雨過松竹香連峯翠欲滴動搖雲水光
長堤如卧虹草暗路已荒菰蒲破綠淨老葑日以張
念昔總角遊祇今二毛蒼物境既非昨我身安得常
半生走三吳問舍如捕風敢辭百尺樓高臥愧元龍
向來江道人卜宅湖山中安知三十年忽如化人宮
蒼雲翳脩竹飛閣凌春空主人兩鬢霜驅車大河東
豈念五畝園方作萬里封而我志幽獨長年羨冥鴻
翻無容足地茅茨剪蒿蓬

哭阿申二首

七
集二

三

我生百不諧進退得坎井二毛初抱子亦足慰衰冷
珠庭照見用眉目秀而炯人言驥墮地意作千里騁
居然萬金產每見百憂醒嗟哉時夜計便欲老箕穎
安知隨泡露變滅失俄頃悲來淚成河俯仰吊孤影
遺劍日以遠刻舟那可求滄溟一漚發散滅何當收
而我舐犢悲中懷不能休推排更兔磊棘刺生衿喉
夜夢多見之犀玉照兩眸沉憂信傷人曉覺雙鬢秋
深慙東門達恐効西河尤所念盛德後一身如綴旒

秋夜寫懷呈常所往來諸公兼寄吳興江

仲嘉八首

貞節堂袁氏鈔本

秋聲不關人倦客偏入耳蕭蕭舞黃葉策策振疎蒂
明知壯則老搖落固其理如何石心人慨歎中夜起
蓬藿沒三徑藤蘂上瓜廬時聞步屣聲歎闕問何如
定坐無雜語文章較精麤馬融辭東觀抗髯與世疎
顧此窮巷士華顛空著書屬王元規防
外盍嗟已遠吾猶識其孫森然見孤韻辯作懸河翻
低頭向螢窻有類鶴在樊離書五千卷字字窮根源
頗携未見書過我樵無煙屬賀方回鑄
向來霜秋向俯仰歲一終人間有寒暑方外無窮通
青青千丈松不改冰雪容坐閱蒲與柳飄蕭隨雨風

寒松老益高蒲柳老益衰流萍况無蒂復與飛蓬期
却掃計不早出門欲何之

屬方子通惟深余壬午歲常過子通賦詩有云是中有幽人屬志凌霜秋

又云會當從之子濯足萬里流俯仰十二年矣愧此高人

剝啄驚牛枕軒昂見長身蒼髯如脩竹定非俯仰人
德公卧襄陽不踏官府塵此老頗似之酒酣見天真
結廬甚幽獨已辦老圃隣披榛時一來數面久益親

屬楊彝父懿孺

二士出吳下諸生有楊王相從寂寞濱無乃計未良
縱橫三千字坐可致玉堂詞章乃糠粃不直粟一囊
我媿非子雲文書味偏旁窮居似韓子草樹亦荒涼

貞節堂袁氏鈔本

時能出佳句耐我秋夜長

屬王楊二貢士

物色一如此淒風薄人衣遙憐卞山客增歎雉朝飛
固知難為懷舉冷念齊眉勿使梨棗間纏綿生繭絲
清霜掃蕃廡豈無一草木方春萬物遂苑籞及冰谷
乾坤本平施憎愛豈有屬不應懷偏慳獨遇吾黨酷
奇窮坐迺踈此事計已熟如何半世間生理常刺促

二篇屬江仲嘉仲嘉有氣節多難比有伉儷之感故云

與江仲嘉袁趙叔問子晝潘景卿景分題賦
詩以顏魯公裴晉公賀監陳希夷畫像為題
以我思古人為韻余得裴晉公我字韻一首

北山集
晉公護河東身退勢亦左憂心極飢渴謹議抗鬼瑣
居朝重九鼎下賊飛一箭淮西彈丸地孺子甚么麼
發兵本無難萬口無一可平淮取淄青如掇掌中果
折衝乃餘事世論豈知我天方厭唐德莫抹蕭牆禍
空餘丘禱詩千古幽淚墮

北山小集卷第二

貞節堂袁氏鈔本

北山小集卷第三

信安程 俱

古詩三

夜坐

飢鳥夜啼棲復起
佗粟飛光透窻紙
捲簾萬瓦白生煙
桂影扶疎淨如洗
回腸正隨清漏轉
葉下空庭亂如霰
青燈耿耿夜何其
雲篆吐蘭初一線
歲云暮矣萬竅號
霜天旅鴈求其曹
月行虛空幾萬里
群犬吠光聲正豪
蒲團瞑目空危坐
逝者如斯白駒過
悠悠昨夢不可攀
此身此心何日閑

春日寫懷

春風遍芳華一國盡狂醉窮閭獨不知但見長蒿薺
秋飈起蘋末一華初未墜幽懷獨先覺意象已淒厲
故知春與秋物不為我計危絃自應悲寒木終易脆
要之夢中夢憂樂同一寐翻然詠軒丘心量浩無際

豁然閣

雲霞墮西山飛帆拂天鏡誰開一窻明納此千頃靜
寒蟾發澹白一雨破孤迥時邀竹林交或盡剡溪興
扁舟還北城隱隱聞鍾磬

二十八舍歌示錢定國顯道

吳江尉

貞節堂袁氏鈔本

山川不捨辭與角亢羣孤豚殊不惡安身投筆事氏
羗何異天球薦房闥人心如面各不同蛇頭蝎尾吾
安容脂膏肯効箕箒態拔劍撞斗真才雄少年食牛
有餘氣大笑文章幾女工立談寧與子虛比危冠欲
入明光宮功成築室依故丘作書重壁垂千秋宸奎
一札呼不起閉門老死如黔婁爾來養生如養胃未
羨昂精力筆吏疲神畢慮子所訶鳳背鸞膠誰汝試
背以字同借用曾參忘心身亦空身如丘井心如風君言作解
皆魔鬼蒲柳松筠同盡耳三星在雷能幾許張拳且
擊闕南鼓遊龍作御雲生翼軫地蓋天從莫逆

數詩述懷 庚辰

一生共悠悠今者曷不樂二十起東山誤為微官縛
三年瞬眸耳郵傳那久訖四壁自蕭然青編束高閣
五更霜鐘動起視星錯落六律聿其周忽忽更歲籥
七哀我幽韻感念驚獨鶴八極豈不廣衰懷了無託
九原歎多賢死者那可作十里望煙村天隨去寥廓

讀陶靖節詩

吾觀靖節詩三歎有遺音卧看起詠之惛惛澹多心

盧鴻草堂歌白玉微兮流水音聽之惛惛澹多心 欲學靖節詩慎勿學語其心源如

古井衡氣發先字言無出言意妙語自天與譬如清

貞節堂袁氏鈔本

冷淵月湛不可取歆呀既驚湍乃若震雷鼓斯言可
深咏往往棄如土

八音歌贈別趙子雍饒之二首

金鑛具奇質百鍊出其剛石中含結綠追彼蒲穀草
絲也談有餘於道乃易方竹林醉黃壚誕放非古狂
匏瓜固非倫順俗豈所望土門謝惡友要若拒獠羗
草莽表斯正滄洋水乃清木貴就繩矩願言贈子行
金張珥漢貂况乃出天派石渠重儒冠武弁聊復戴
絲麻宜自任麤使有管蒯竹簡書汗青高吟當人籟
匏雖貴中虛植固須本大土耕戒莽鹵道耕惡疵類

草帶勿佩韋贈子絃作佩木強雖過中寧師伯夷隘

寫懷

宇宙一火宅我身寓其間靈臺真逆旅憂喜更往還
其來不可却倏去不可攀宜然閉六鑿暫使逆旅閑
中虛本無住夜半移舟小身隨事物化鬢與寒暑班
奈此業累深始知定力慳况茲塵沫聚豈比金石頑
顧影忽自笑吾心定何顏

和楊秀才友夔二首

天地有肅殺好生本無傷陽施待秋成相濟如宮商
芸芸共欣榮衆葉蕤蕤光回頭失故林蕭條弄微陽

貞節堂袁氏鈔本

獨有歲寒姿^昂尚低昂流膏亦歸根^暉如養中黃
大哉一氣中心自炎涼安知晞春露不異腓草霜

秋日

誰謂方寸地并包無故新長宵不能寐萬緒愁攻人
展轉計後有攀緣及前身苦恨隙駒疾回嗟穢塗辛
被采問何其夢覺兩不真白鳥固已空青燈聊可親
念此紙上迹皆為窖中塵投卷嘿忘我拙雞已鳴晨
秋夜

三吳足秔稌狼戾及宋梁故為胥門隱未辨耕南陽
豈無如雲稼竭澤歸富强收成一過眼胼胝念黔蒼

綿綿太平區阡陌盡八荒願從鼓腹游自放逍遙場
貴賤均飽煖藜藿等膏粱那令力田夫一飯不可望
秋郊

同餘杭尉江仲嘉襄道人陳祖德良孫遊
洞霄宮

太湖隱吏迂且頑手板拄頰看西山筆床茶竈向何
許往來洞庭林屋間舊聞西門徹懸雷故整煙艇尋
苕川却驚天柱矗雲表勢與太華爭擎天幅巾跨馬
及曉鼓逸思自覺奔春泉其誰從者二妙士金庭老
客南昌仙齊驅共語失長道但見平阪連桑田籃輿

貞節堂表真鈔本

後繼獨不語鼻息栩栩山聳肩崗回澗曲若無路萬
疊老翠漫秋煙二山對起鎖詰屈僅容蹄轍通人窠
羊腸移險在平地九疑山色荒眈綿穿松酌水尋二
洞低隱巖腹高山巔山巔石室如列廈接時可置千
賓筵最憐西湖隅凡處凝去乳絡壁留空圓我將拂
袖去不返戲擊雷鼓揮神鞭三華寶衣立可致九赤
班符何足傳只將尻輿駕神馬豈顧家火燒允鉉又
疑靈物之所宅郊孕變化蟠蜿蜓金龍玉簡投不滿
恐復下與東溟連我嗟何地非聖處火聚正坐青雲
軒目前閭闔晝自啓電頃已超天地先正緣一念重

山嶽障礙何啻重城堅就令信脚到仙宇凡骨至死
包腥羶膠膠世網浪自纏會當去之如蚊蟬誰能白
衣傍金馬且復錦袍乘釣舩金庭客南昌仙他年與
我乘八景舉手少別三十年

灌竹

戶樞不容蠹展轉夕與朝死水不赴壑淺於杯所膠
人生戒甚逸起我少自勞呼僮續長綆落落鳴枯槔
携瓢傍脩竹灌灑繞百遭念此十二君竹十二竿手種離群自
江臯移我一年餘已長數尺稍齋前雨霜叢歲久根
已交交根纏釋龍卷葉不復搖聊蘇夏日畏未謝春

貞節堂袁氏鈔本

雨膏蕭蕭便生涼霍若雲霧消却坐井邊石清泉濯
雙澈宮閑但數數聽以老圃朝豈敢運甍比漫欲滋枯焦

送江仲嘉襄東還家山方將從赤松子遊

為作仙遊之詩以相步虛云

空山月出栖鳥驚濺濺暗溜山間鳴桂陰幕歷夜香
冷有人步虛聞紫清翩然騎麟下青冥君非遠遊定
方平雲軒冉冉風袂舉左右玉立花娉婷手摩我頂
一笑粲別來彈指三千齡至言不煩去畦町齒下端
有真長生忽然縱身浮太庭却笑煉砂飛八瓊採芝
方壺濯南溟秦姬吹蕭緱氏笙茫茫齊州九害塵人

開可哀胡不聞

武夷君有人
問可哀之曲

到官兩旬四走山野作詩以自勞云

上山偃伸如望天下山偃仆如深泉胡為持此不貲
寶來試萬丈懸崖巔前人見踵後見頂反足鳥道相
攀牽剝然置我章貢上水激石罅奔雷填荒滕曲澗
無遠近渺渺不見墟中煙土岡鑿路狹如隧蘇壁藤
薜蛟蛇纏寒風颼颼失白日上有萬木蒼陰玄航溪
之深揭其淺碎石齧足聲號川茗山發我一長喟彼
有吳市人中仙飛瓊練玉存故處祇有井竈無霜鈿
我今正坐五斗米悔不辟粒從期佺向來吳松厭羈

貞節堂袁氏鈔本

旅三歲丰逐鷓夷船故教筦庫着踈嬾坐守兀兀聊
窮年安知求逸得奔走豈異避挺蒙戈鋌咄嗟萬事
無必計努力唯有歸園田

拱圖經茗山有梅福鍊
丹竈故有飛瓊之句

吳正仲提舉至游堂

妙喜寄鍼穎大空浮海漚儵然一環堵安住有至游
內觀如寒龜無縛浪自囚外遊如渴鹿逐飲無時休
安知至游處不止亦不流廣文來東南持節十四州
江海見函丈雲林入衣裘平生山水國不滿一轉眸
高堂坐隱几笑遣車下牛虛簷白日靜顧眄九極周
是中有至樂可以忘春秋却來觀世夢聊復憂人憂

和立德祖惠小詩一首

好山如幽士勝絕不可攀
往者天姥夢長謠愁謫仙
茲山出平野秀特無林連
招提倚雲錦森然見林巒
幽尋無十里正處閑忙澗
入門心目靜世累若可捐
靈泉出土脉汨汨無流難
茶神瀹浮乳方士沉餘丹
我生猿鶴姿頗有山水緣
何時共清賞杖屨窮崖巔

用德祖韻送毛彥時二首 庚寅

往者玉樓客棲遲感秋蓬
龍鍾江海士屑屑悲窮冬
孟郊有暮天寒風悲屑屑之句
今我亦羈旅號寒思祝融
故鄉邈千里胡馬長斯風
平生飲最少亦復賢聖中
其誰共談笑

貞節堂袁氏鈔本

無乃志所同伴宮備文質
榘插飾雕擺毛子亦好古
搗辭麗春工飄然適我願
一舸來自東明時獵英奇
備問羅臯忽逢辰若公等
附鳳雲從龍遙知賦伐木

相望有梁鴻

梁鴻東遊思其友高恢作詩曰鳥嚶嚶兮友之期

斷港冰未泮海風起蓬蓬
君行亦良苦浮家秋復冬
故人一相遇醉覺心形融
道舊有深樂班荆餘古風
可當度揚子起視東井中
未應迫期會促步佐一同
况當萬燈燃流光煖疏櫳
胡為即言別繫書憑鳥工
空令千里月團團出天東
解舟動棲禽破曉啼忽忽
酒闌城西道已失銜龍燭
振衣一回首瞥去如驚鴻

為宜興鄭主簿賦寓軒一首

物生太空中巨細同一寓機緘固有待舟壑本無任
土儀立毫塵萬化失朝暮要之儻來寄正自墮形數
滔滔人間世俯仰若泡露浮遊皆適然蚊睫漫來去
看身方丈室聊作槁梧據了觀諸幻境內外絕欣惡
須知五蘊小今我聊託附回頭主人翁妙住了無處

君明出留題吳江詩次韻 辛卯

包山水脈通西垠森然林屋開東晨飛仙下視三萬
頃豈異滴水陶家輪時時餘浸被吳楚赤子鱖鱖哀
漂淪松江一支東入海海道今者皆揚塵遂令洪波

貞節堂袁氏鈔本

洄不吐禹跡莫辨偽與真滔滔利往橋下水者照黃
綬孤吟身月輪行空萬籟息尚記此境清無倫當時
苦恨無好句空負歲月臨江津得公新詩妙入理羊
酪敢方千里尊公言御名勿作境會取捨過咎由來均

題滕司戶虛舟庵和韻

萬族同一海至人乘桴浮狂風鼓溟壑安問指與鱗
擾擾墮濁水蚩蚩守藏舟其誰善游者動寂兩不侔
紛綸萬境前了了轉處幽愛君虛舟句勿逐虛舟求
徜徉曹掾中聊作虛舟留長維五蘊山亦泳愛水流
飄搖度夷險不喜亦不憂我乃蹇淺人操心屢招尤

君心果空曠永矣從君遊

同江趙潘集以鍾藍博山爐點硯石屏為
題予得鍾藍分韻得金字鍾藍蓋響板也
形製如鍾背作雲雷紋面可盥我曹創為
之銘曰癸巳作鍾藍子子孫孫永保用張
有篆甚奇古

帝軒工皂和九金童子

御名

炎成婦壬戲驅豐隆發

凝陰雷轟列缺光下臨飛精入範天機深四規闕明
這蠡瘠厥聲鏗宏中黃林隱如霜降豐山岑豈惟正
衣冠佩簪對之炯炯生肅心應而不藏無古今監之

貞節室袁氏鈔本

無窮叩逾音至人之心我所欽槃盂不須銘且箴

再分題得易分韻得醉字一首

吾觀空劫初妙蘊固無示誰令南北海七竅鑿元氣
靈龜出洪河六畫乃其寄庖犧觀天巧創物發奇祕
太虛本無邊小大隨汝視窮之得幾深見者自仁智
或從鍊丹砂或用資卜筮終然有神護回祿翻引避
絕編固冰釋覆瓿正心醉却懷投閣生寂寞發長喟
雨霽同仲嘉小酌久之雲開月出光照席

上頗發清興戲作此詩 癸巳

初月脫氛翳微雲遞踈光徘徊照庭戶皎皎涵清觴

牢愁不可排磊塊如高岡煩君着酒澆身世得暫忘
舉觴漱明月似覺幽桂香擬吹三江水洗此九轉腸
中霄起四顧何漢生微涼飄然想風馭夢寄無何鄉

過吳興城北起覽堂

佛子固多幼開軒納群山平疇展摩衲回塘縈玉環
新荷麗朝日一一發清妍引葦北窻下雲嵐揖高寒
超然醉司馬寄傲羲皇前座有眇道士長謠九華丹
張翁老篆癖勢逼之呆鶴濡毫記姓名天矯龍騰淵
日沒動羣息城陰靜娟娟長林有歸翼吾駕亦言還

眇道士謂劉質子是日張有以篆字題名壁間

貞節堂袁氏鈔本

奉陪知府內翰至卞山有詩五首

甲午王德泉

卞維吳興鎮傑出衆山外晴朝自生輝韞玉見竒態
新汗表南陽獨據山水會青松三萬本已復出蓬艾
靈泉發道左天遣資灌溉初無一線溜泛濫欲浮芥
披榛佇方空餘浸忽可澮清踰金沙泓甘比中泠派
朝涵卞峯雲暮作雪溪瀨豈惟供百湏旱歲亦多賴
殷勤五大夫隨喜奉微蓋有松出偃其上嘗聞瑜瑾姿德與君
子配茲泉為人出固是神所介當令玉德名相與流
千載

庵居

幽亭名思洛寒潭俯澄虛回頭三百年勝地成荒墟
公今草堂址無乃昔所居環之碧玉蜂帶以清泠渠
流泉響琴筑松竹皆簫竿妙哉無盡藏一一為我娛
東岡作蘭若鐘梵臨樵漁亦有桑柘村旁開蔬果區
何煩引三徑故自與世疎主人去霄漢夜直承明廬
斯遊入清夢儻寄空中書

朱氏山居

嶽崎寶山麓亂石如鬪獸雲根盡中空嗟吸弄昏晝
茲山頗似之無乃共靈祀御名如何在人境有此泉石面
深巖隱蒼翳竹樹兩森秀坡陀接煙磴足力恣所究

貞節堂袁氏鈔本

恍然天地開遠目千嶂驟中營五畝先何必封石窳
桑麻無外求茶果供日富天條列僮奴花
草更黼繡生生所應有取足謝奔走嗟余四方忠老
大無一就對此寸心驚無因託圭竇

西庵

是公固麟鳳入獸不亂羣吳儂欲爭席但見一幅巾
蓋輿從去逋客上下寂寞濱却行共談笑媿此禮意
親行行得西庵杉竹含清薰解衣靜盪礴虛憲蕙煙
紛濡毫散珠璣咳唾不自珍曳屣轉小足長林蔽浮
雲旁連衆逸邈上有高嶙峋穹窿見深洞劃如敞重

闔往者王京子翔空駕飈輪于今蛻骨在豎重踰蒼
珉頗欲窮其源燃犀問蛇神鉤穿忽無間信有仙凡
分却尋招提路松風亦隨人潺潺石橋水洗盡荆吳
塵胡牀興不淺已覺千山曛

夜歸

日入三籟息群山鬱蒼蒼中裾濕煙霧宛轉度澗岡
涓涓暗泉鳴冉冉松筠香林梢吐纖月露葉瑣碎光
歸來叩禪扉幽燈對繩床相羊有餘適笑詠白雪章

翰林是日
有詩教首

同遊道場何山二首

貞節堂袁氏鈔本

道場山

何年宰堵波獨立妙峯頂憧憧五湖舟黑月仰光影
千章列雲犯御名靈液走甘令隆棲絕清空橫側見峯
巔下窺三州聚塵末集毫穎振衣薄雲漢萬劫彈指
頃遼遼天宇大出没笑蛙井壘中老比丘奮迅頗精
猛擬分數椽地飽飭卧清境何必少陵翁聞鐘始深
省

何山

謝公滄海士眷眷在林壑飛輿丁層巒及此日未落
翩然何山麓古澗謝疏鑿方橋跨清泠鬱密交翠幄

通幽更窮深木末見樞桶琅璫鳴老屋拉攤相倚薄
莊嚴布金地藤蔓土花剝當年軒裳客小隱事鉞削
能令此山名谷口振京洛如何給園居勝士久不作
豈唯雪山輕顧恐泉水濁周行一泛覽懷古嘆冥漠
安知千載人不作來遊鶴

化鶴來遊
事見圖經

同遊勝林亭次韻

會意不在遠巢枝良有餘居然勝林境魚鳥皆欣娛
危城俯回谿歸航數風蒲幽蹊接遐觀褰裳欲凌虛
却顧容膝地清陰繞扶疏念此晨日長言旋更踟躕
翰林留新句體骨起黃初深藏恐飛去照夜空江湖

真節堂表氏鈔本

同葉翰林游虎丘分韻得丘字

四顧渺平野孤撐見林立常疑湧地出儻復海所浮
上有千人臺靈蹤想前修無情肯深義頑石亦點頭
下有百尺淵神光千斗牛陰崖不見日草木皆先秋
兩晉多達士東亭抑其流結廬遠車馬寄此山之幽
一朝施白足弃去如毛輜矧伊桑下宿肯作賈胡留
同葉內翰遊南峯竊觀壬辰舊題詩謹次

巖韻

道林彌天辯妙譽傾斗南山陰有餘賞禹穴或已探
晚歲折古筇杖茲焉寄伽藍呼鷹閱神駿對客手自

談却顧夸奪子心兵戰方酣當時蹇驢葦蹴踏豈所
堪斯人不可見荒徑昔已諳青鞵踏松月幽燈照禪
龕尔來十五年身世猶朝三壽游了無蒂飛蓬轉毗
嵐愧此石窟人堅持證那含石窟間有道者坐禪如公世所挽明
堂要樟栴徘徊弭玉節聊酌需泉甘老乃澗底松霜
枝鬱紈紈尚有蠹書癖囊中叅如蠶中年痼泉石此
外無餘耽從公恣幽討形疲意猶貪安得五畝園旁
營二空庵心遊萬物表曠若巨海涵恨無買山具撫
境思髯叅都起每聞高隱者報傾財資之

葉翰林有徐熙桃竹方尺許索詩輒賦一首

貞節堂袁氏鈔本

寒禽抱幽叢意得窺綠淨天華媚霜筠慘澹若春暝
胡僧手幻藥納此方池境重重互涉入妙悟付毛穎

仲嘉錄示新齋聯句用韻書懷奉寄一首

我歌無庸歸禮意固有屬渠僕方不顧欲問何拘曲
乃知交際難不若逃空谷憂端浩無窮日飲思枕麴
文求世人笑字異山鬼哭龍鸞閱斯冰劍弩對絲鵠
鴈門既呼御司武或見桔閉闕固自知青簡得三復
誰能足越越墮彼手翻覆汨泥無紆纏絕迹慕前躅
故人有新詩遠寄資賸馥鳴嚶倡復和流徬斷還續
華如三女粲學陋一夔足謂夔一足吟餘寫幽懷蹇思慙

刻燭

夜寒大風洶洶不能寐用前韻作一首

朔風如長兵犀兕貫七屬寥寥挾霜露浩浩入空曲
羈禽無安巢凍獸吼冰谷枯椎斂塵山石走塵飛翅
終朝恣飄鼓衆竅似歌哭客懷正無聊默寫歎鴻鵠
窮愁巧相尋夜氣將恐枯義城不我待始姑今已復
黃昏歌苦寒達旦幾翻復悲蛩尚啾喧餓鼠時躑躅
青編置床頭芸竹有餘馥枯腸浪自苦無食安能續
平生僅識字無地寄雙足呼僮屏書眠傳記真舉燭

遷居城北蝸廬

貞節堂袁氏鈔本

有舍僅容膝有門不容車囊中孰非寄是豈真吾廬
不作大耳兒閉關種園蔬茅簷接環堵無地可灌鋤
不作下榻翁一室謝掃除平生四海志投老河魚枯
願從素心人不減南村居蕭然冰炭外傲睨萬物初
坐視蠻觸戰兼忘糟粕書聊呼赤松子伴我龜腸虛

北山小集卷第三

